

SCRIPT OF EVENING GOJRI NEWS BULLETIN 27SEP 1700 HRS

ایونینگ گو جری نیوز بلیٹن مو رخہ 27 ستمبر 2025

یوہ آکا شوانی جموں ہے طارق ابرار تے نصرت چوہدری تیں خبر سُنو۔

HEADLINES

۱۔ لیفٹیننٹ گورنر منوج سنہا نے وزیراعظم تے دیہی ترقی گا وزیر گوشکریو ادا کیو، کیونجے انہاں نے جموں کشمیر مانہ قدرتی آفات تیں تباہ ہوا 5 ہزار تیں متاگھراں نانہ بنان گی منظوردتی۔

۲۔ مرکزی وزیر ڈاکٹر جتندر سنگھ نے ڈوڈہ بازار گودورو کیو تے تاجراں نالے مقامی لوکاں تیں نوا جی ایس ٹی بارے رائے حاصل کی۔

۳۔ کھیڈاں غا وزیر ستیش شرمائے کہیوجے بے روزگاری جموں کشمیر مانہ ایک بڑو مسئلو ہے تے حکومت اس گا حل واسطے پرعزم ہے۔

۴۔ بھارت نے اقوام متحدہ مانہ پاکستان وردہشت گردی کی حمایت کرن تے بھارت۔ پاکستان گا تنازعہ ور جھوٹ پھیلان گی سخت مذمت کی۔

۵۔ لیفٹیننٹ گورنر منوج سنہا نے عالمی یوم سیاحت گا موقع ور سب نانہ جموں کشمیر مانہ آن گی دعوت دتی تے اس موقع ور ثقافتی پیدل سفرگی تقریبات کی گئیں۔

LG PMAY-G

لیفٹیننٹ گورنر منوج سنہا نے، وزیراعظم نریندر مودی تے دیہی ترقی وزراعت گا مرکزی وزیر شیوراج سنگھ چوہان گو شکریو ادا کیو، کیونجے انہاں نے حالیہ قدرتی آفات تیں دیہی علاقوں مانہ تباہ ہوا گھراں کی تعمیر غی منظور ی دتی ہے۔ ایل جی موصوف نے کہیو کہ پردھان منتری گرامین آواس یوجنا گا اس خصوصی منصوبہ تیں ہزاراں خانداناں نانہ دوبارہ محفوظ تے پرسکون زندگی لبے گی تے وہ معاشی طور ور سنبھل، جین گا۔

JATINDER SINGH

مرکزی وزیر مملکت، ڈاکٹر جتندر سنگھ نے اج، ڈوڈہ قصبہ گو دورو کیو تے مقامی بازار وی گیا۔ اپنا دورہ گے دوران، ڈاکٹر سنگھ نے دکانداراں تے کاروباریاں گے نال گل بات کی۔ تانجے حکومت غا حالیہ فیصلہ یعنی جی ایس ٹی مانہ کمی ور اُن کی رائے معلوم کرسکیں۔ دکانداراں نے نویں جی ایس ٹی پالیسی ور خوشی غواظہار کیو تے کہیو کہ یوہ قدم نہ صرف تاجراں بلکہ عام لوکاں واسطے وی راحت لیاوے گا۔ انہاں نے حکومت کی اس پہل کی تعریف کی تے کہیو اس تیں کاروبار نانہ بڈھاوو ملے گو تے عوام ور بوجھ کھٹ وے گا۔ آکاش وانی Byte غا خبراں آلا شعبہ سنگ گل کرتاں واں مرکزی وزیر ڈاکٹر جتندر سنگھ نے اس طرح کہیو۔

GST REFORMS

جدید دور غی جی ایس ٹی اصلاحات گے تحت حکومت نے بڑی ساری چیزاں مانہ ٹیکس مانہ کمی گو اعلان کیو ہے۔ تانجے سیاحت تے عوامی آمدورفت سستی ہوسکے۔ نال ہی سرمایہ کاری تے روزگار گا مواقع بدھ سکیں۔ 7500 تیں کھٹ قیمتاں آلا ہوٹل غا کمران ور جی ایس ٹی 12 فی صد تیں کھٹ کر غے 5 فی صد کیو ہے۔ اس تیں علاوہ فضائیہ سفر مانہ اکانومی کلاس ور جی ایس ٹی، 5 فی صد برقرار ہے۔ تانجے عوام نانہ سہولت مل سکے۔

SATISH UNEMPLOYMENT

کھیڈاں غا وزیرستیش شرما نے اج کہیو کہ جموں کشمیر مانہ بے روزگاری ایک بڑی فکر ہے۔ ہنگام مانہ ذرائع ابلاغ سنگ گل کرتاں واں انہاں نے کہیو۔ نوکری ٹونڈن آلامشکلات تیں نمڑ رہیاہیں۔ لیکن سرکار اس گوجل کڈن واسطے پر عزم ہے۔ ذرائع ابلاغ تیں گل کرتاں واں انہاں نے رہبر کھیل گاساتذہ گامطالبات غو وی ذکر کیوتے دسیو کہ ان گامسانل مرکز توڑی پجادتا گیاہیں۔ انہاں نے یقین دہانی کرائی کہ پرانالما عرصہ تیں اٹکیاوا معاملات نانہ حل کرن Byte واسطے جلد کاروائی کی جے گی۔ انہاں نے مزید اس طرح کہیو۔

PM MKB

وزیر اعظم نریندر مودی، ملک تے بیرون ملک رہ رہیا بھارتی شہریاں سنگ پلکیں 11 بجے، آکاش وانی ور من گی بات پروگرام مانہ اپنا خیالات سانجہ کریں گایاہ ماہوار ریڈیو پروگرام گی 126 ویں قسط وے گی۔ یوہ پروگرام آکاش وانی، دور درشن، اے آئی آر نیوز ویب سائٹ، تے نیوز آن اے آئی آر، موبائل ایپ وروی نشر کیوجے گو۔ اس تیں علاوہ یوہ پروگرام اے آئی آر نیوز، ڈی ڈی نیوز، وزیر اعظم گا دفتر تے اطلاعات و نشریات گی وزارت گایوٹیوب چینل وروی براہ راست نشر کیوجے گو۔ آکاش وانی اس پروگرام گی ”ہندی“ نشریات تیں فوراً بعد اس نانہ علاقائی زبانان مانہ وی نشرے گو۔

INDIA PAK UNGA

بھارت نے پاکستان نانہ دہشت گردی گی تعریف کرن تے بھارت پاکستان تنازعہ ورجھوٹ پھیلان ورسخت جواب دتو ہے۔ اقوام متحدہ گی جنرل اسمبلی گا 80 واں اجلاس مانہ پاکستان گاوزیر اعظم شہباز شریف گی تقریر تیں بعد، بھارت گی مستقل مشن گی فرسٹ سیکریٹری پاٹل گلہوٹ نے کہیو کہ پاکستان، بھارت مانہ دہشت گرد حملان غوڈمے دار ہے۔ انہاں نے واضح کیو کہ بھارت نانہ اپنا دفاع گوپور وحق ہے۔ انہاں نے کہیو کہ اگر پاکستان واقعی ہی امن چاوے، تے اس نانہ فوراً تمام دہشت گرد، کیمپ بند کرناوین گا۔ تے مطلوب دہشت گردان نانہ جلد حوالے کرنوے گو۔ بھارت نے کہیو کہ وہ نہ تے ایٹمی بلیک میلنگ برداشت کرے گو تے نہ دہشت گردی۔

TOURISM DAY

عالمی یوم سیاحت گاموقع ور لیفٹیننٹ گورنر منوج سنہا نے سب نانہ دعوت دتی ہے کہ جموں و کشمیر آئیں، جہڑو بھارت گوتاج ہے تے اپنی خوبصورت وادی تے شاندار مہمان نوازی واسطے مشہور ہے۔ اس موقع ور کٹرا مانہ شری ماتا ویشنو دیوی گاروایتی رستہ نانہ فروغ دین واسطے ایک ثقافتی پیدل سفر، غواب تمام کیوگیو۔ جس نانہ ایس ڈی ایم کٹرا پیوش ڈھوترے نے روانہ کیو۔ پیدل سفر گے دوران اس رستہ گی روحانی تے ثقافتی اہمیت و روشنی Byte کہلی گئی۔ اس موقع ور بولتاواں ایس ڈی ایم کٹرا پیوش ڈھوترے نے اس طرح کہیو۔ اسی طرح جموں غامختلف مقامات جسراں کہ مانسر، پتئی ٹاپ، بسوبلی، راجوری تے کٹرا مانہ وی تقریبات ہوئی۔ جن مانہ کشتی گی ریس تے ثقافتی پروگرام گامقابلہ شامل تھا۔ ان تقریبات مانہ سیاحان تے مقامی لوکان نے حصولیو۔

SEVA PARV

سیواپرو“ پروگرام تے تحت اج ہم تم نانہ دس رہیابیں کہ کس طرح اک بھارت، سریشٹ ” بھارت مہم نے ملک کی یکجہتی نانہ مضبوط بنایو ہے۔ یوہ پروگرام وزیراعظم نریندر مودی نے 2015 مانہ شروع کیوتھو۔ اس گو مقصد ہے کہ لوک مختلف ریاستاں کی زبان، ثقافت تے روایت نانہ سمجھیں تے اپناویں۔ تانجے قومی ہم آہنگی بدھے۔ اس تیں مختلف علاقاں غا لوکاں مانہ رابطو قائم وے۔ وزیراعظم نے اکثر لوکاں تیں اپیل کی ہے کہ وہ ان قیمتی روایتاں نانہ اپناویں جہڑی ہم نانہ ایک دوسرا کے قریب لیاوے۔ اس بارے گل کرتاں واں، وزیراعظم Byte نے اس طرح کہیو۔

ُPROG ANN

آکاش وانی جموں گو علاقائی خبراں آلو شعبو، اک خصوصی مباحثہ ور پروگرام نشرے غا خاتمہ A گو، جہڑو 25 منٹاں غو وے گو۔ اس پروگرام گو موضوع ہے۔ ”دفعہ 370 تے 35 تیں بعد جموں صوبہ مانہ صحت غا ڈھانچہ تے سہولت مانہ تبدیلی۔ یوہ پروگرام ”سیواپرو 2025 کی تقریبات گاسلسلہ مانہ مایو جارہیو ہے۔ جہڑو 15 ستمبر تیں جاری ہے۔ یوہ پروگرام 29 ستمبر 2025 نانہ تہاڑی گا 12 بجے نشر کیو جے گو۔ اس پروگرام مانہ مہارا مہمان ویں گا۔ ڈاکٹر وکاس پادھا جہڑا نرائنا اسپتال کٹرا مانہ ہڈیاں غا امراض غا ماہر ہیں۔ اس پروگرام کی میزبانی کریں غا مہارا اینکر شروتی کھجوریہ تے کنال سری واستوا۔

SPORTS RAMBAN

ضلع رام بن مانہ انڈر۔ 14، انڈر 17 تے انڈر 19 لڑکاں واسطے ضلع سطح گا اتھلیٹس مقابلہ جاری ہیں، جس مانہ ضلع غا 6 زون تیں 180 تیں متا، لڑکا مختلف کھیڈاں ماہ حصولے رہیابی۔ آکاش وانی گا خبراں آلا شعبہ سنگ گل کرتاں واں کھیڈ محکمہ رام بن گا افسر جگدیش Byte راج شرمائے اس طرح کہیو۔
